





coll. 34


















1588.

*Religi. 18. fol. 1. 1717.*

# DISCOVERS

SVR L'EDICT DE PA-

CIFICATION REVOQVE

par le Roy, & de la pu-

nition des Hereti-

ques.

*2425*

*Paris*

M. D. LXXXVIII.

THE NEWBERRY  
LIBRARY

Case

F

39

.326

1588dus



**DISCOVRS SVR L'EDIT**  
*de Pacification reuoqué par le Roy,*  
*& de la punition des*  
*Heretiques.*



'E S T vne question  
 autresfois debatüe  
 & agitee ésiugemés  
 d'aucús procès cri-  
 minels , sçauoir si  
 l'hóme heretique,  
 & mal-sentant de la foy doit estre  
 puni par iustice:& de quelle puni-  
 tion il est coupable. Question qui  
 c'est trouuee difficile à resoudre &  
 determiner pour les raisons perti-  
 nentes qui se peuuent représenter  
 d'une part & d'autre.

Ceux qui ne sont d'aduis que  
 l'heretique soit digne de punition,

*l. i. D. ad l.  
de sicariis*

fondét leur opinion sur ce que les loix n'infligent peine, que contre ceux qu'on iuge criminels, & que l'heretique n'est point de ceux que lon peut propremēt qualifier estre criminels, d'autant que le crime se commet sciemmēt, & comme lon dit, de guet à pend, non par ignorance. Le volonté distingue le malefice, tellement que (comme dit la Loy) si vn homme tuē vn autre ne le pēsant tuer il doit estre renuoyé absouz: au contraire, s'il le blece le pensant tuer, il doit estre condamné comme homicide. Si donc l'heretique pense bien faire, que tenir l'opinion qui luy a esté imprimée en l'esprit, & qu'il croit en sa conscience estre la pure verité, comme est-ce que lon le iugera criminel pour le punir? Or il y-a difference entre ceux qui pechēt cōtre la Loy,



& ceux qui pechent contre leur conscience, d'autant que si l'homme ne sçait point qu'il y ait loy. qui commande quelque chose, & ne le fait point, il ne merite punitiō : car Rom. 4.  
 car comme dit S. Paul, où il n'y a point de loy, il n'y a point de preuarication. Dieu n'imputa point à peché que Noé ne fust point circoncis, pource que de son temps la loy de circonsion n'estoit point faite. Mais c'est autre chose quand on peche contre sa conscience, laquelle Dieu a mise en l'homme dès le commencement pour iuger le bien & le mal auant mesmes qu'il y eust loy donnee, & qu'ainsi soit auant que Moysse eust receu la loy du decalogue par laquelle l' homicide estoit defendu, Cain qui auoit tué son frere, pecha contre sa conscience, non contre la loy escrite,

qui encores n'estoit point faite. Auant que Moyse eust publié la loy, qui defendoit l'adultere, Pharaõ fut repris de Dieu qu'il vouloit abuser de la fême d'Abrahá: & fut Ioseph accusé de larcin, combien q̃ la loy ne fust encores baillee aux enfans d'Israël, par laquelle le larcin estoit defendu. Et combié que la loy escrite du Decalogue fust faite pour le peuple d'Israel, toutefois les Payens & infideles tenoiét que l'homicide, l'adultere, & le larcin estoient crimes, & les punissoient, c'estoit pource qu'ils pechoient contre le droit de nature. Sainct Paul dit que quád les Payés (qui n'ont point de loy) font les œuures de la loy, ils font la loy à eux-mesmes, monstrant qu'ils ont la loy escrite en leur cœur, qui leur rend tesmoignage en leur cōscien-

Rom. 2.

ce de ce qu'ils font bien ou mal.

La punition donc qui se fait est pource que l'homme peche contre la loy, s'il en a la cognoissance, ou qu'il peché contre le droit naturel, c'est à dire contre sa propre conscience : Ce qui ne se peut dire à bon droit de l'heretique lequel ne sçait point la loy, au moins, il ne la croit point estre la vraye loy de Dieu : & pense en sa conscience auoir la vraye intelligence des Escritures.

Or qu'il le croye ainsi, il n'en faut point d'autre argument plus certain, sinon qu'ils veulent mourir sur ceste croyance, comme nous auons veu de nos yeux ceux qu'on a fait mourir par iustice, obstinez en leur propos, iusques au dernier soupir de leur vie. Ce seroit donc conscience bien grande de les con-



Rom. 10.

demner à la mort, pour tenir vne religion qu'ils croyēt la vraye foy, & toute autre estre heresie. Nous netrouuōs point que les Chresttiēs eussent onques condāné vn Payen à mort pour ne croire point l'Euāgile. La foy est vn don de Dieu, la foy vient de l'oüye, l'oüye de la parole de Dieu. Aucuns de nous n'a esté fait Chresttiē dès sa naissance, si ainsi estoit que pour n'estre point Chresttiē on fust punissable, si tost que l'homme seroit né il seroit puni de mort. Le Christianisme est vn accident à l'homme conséquēment il est besoin qu'il reçoie la foy, laquelle se reçoit par la persuation seulement non par force ou contrainte, & ceste persuation viēt de la grace de Dieu, non par la persuation de l'homme seullement, il ne peut auoir la foy, si Dieu n'y opere

opere. Donc si la foy n'est point plantee par contrainte, mais volontairement & de plein gré, est-il raisonnable de punir celuy qui ne se peut persuader que ce que lon luy presche soit la vraye Religion? Quand nostre seigneur enchargea à ses Apostres & disciples d'annoncer l'Evangile, il ne leur donna point charge de forcer ou contraindre personne: il ny auroit point de merite de faire vne chose par force. L'opinion est libre, & combien que lon puisse forcer vn homme de faire chose contre sa volonté, toutefois il n'est pas possible de le contraindre de croire ce qu'il ne croit point. Car si tost qu'il croira le contraire il ne sera plus heretique, & changeant l'opinion il laisse la premiere pour en prendre vne autre. Ce seroit donc vne iniustice pure

de condamner vn homme pour auoir ignoré la vraye intelligéce de l'Euāgile, laquelle il ne peult auoir sans la grace speciale de Dieu. Lon ne peult par noz loix contraindre ny les payés ny les Iuifs de receuoir le Baptisme qui ne se reçoit qu'en croyant, ce seroit estre baptisé au corps non en l'esprit. Et de les faire mourir la dessus ce seroit leur faire perdre l'ame avec le corps. L'ignorance semble estre excusable en tout: nostre Seigneur estant prest à rendre l'ame excuse ceux qui le crucifioyent, disant, pardónez leur (mon pere) car ils ne sçauét ce qu'ils font: il est escrit que du cueur procedent les adulteres, les larcins, les homicides & les autres pechez. Si donc la volonté n'est point de mal faire on ne le peult imputer à peché. Car le peché est d'une malice pourpensée

& deliberee, non quand on est deceu & trompé. Or est-il que l'heresie est vn erreur. Car si lon parle cōtre sa conscience, c'est bien vne mēterie ou imposture non vne heresie d'autant que l'heresie est croire, & que qui tient vne proposition heretique ne la croyāt point il ment à son escient: mais il n'est pas heretique, car il ne la croit pas. Si c'est donc vn erreur qu'il soustient il est trompé & deceu: or celui qui erre (ce dit la loy) ne consent point, & si le consentemēt ny est il ny a point de peché. C'est pourquoy plusieurs font conscience d'assister à ces iugemens là & condamner des personnes ignorantes qui pésent bien faire en soustenant leur erreur, & sont d'auis que lon les doit catechiser & instruire ainsi que nostre seigneur a commandé, disant à ses A-



postres qu'il les feroit pescheurs des hommes, c'est à dire, qu'ils conuertiroient les infideles & mescredoyans à la Foy par leurs predications & par leurs bonnes exemples. Que si noz Pasteurs faisoient leur deuoir d'annoncer la parole de Dieu & reformassent leurs mœurs, instruisans leur troupeau tant par exemple de bonne vie que par viues remonstrances il seroit aisé de les gagner. Mais d'y proceder par autre chemin c'est temps perdu, au contraire lon a veu par experience que tant que lon a pensé abolir les heresies par supplices de mort, de tant plus leur nōbre s'est acreu les voyāt constamment mourir pour leur opinion ainsi que iadis le sang des martirs estoit la semence des Chrestiens. Aussi de les bānir de ce Royau-  
me q̄ ce n'est guerir la playe pour

ce qu'estans hors d'icy ils en gasteront d'autres qui est aussi grand dommage que s'ils en infectoient des nôtres. D'autant que le Christianisme est vn mesme Royaulme & que deuant Dieu il ny a point de distinction du Iuif & du Grec, & puis il y a aujourd'huy tant d'heretiques & sont en tel nombre que de les exterminer ou les faire mourir, ce seroit entreprendre chose impossible. Le Roy feroit Roy des cendres non des François s'il vouloit faire bruler tous ceux qui sont à present heretiques en son Royaume. Que les Empereurs de Rome ont souuent douté sur la punition des heretiques aucuns se sont contentez de les priver des honneurs & dignitez comme du priuilege de militer, de tester, de succeder par heritage, de s'assembler, de faire profession de leur

foy, & d'auoir des téples, auoir des colleges. Les autres ont trouué bon de les bānir des villes, les despouiller de leurs biens, autres plus seueres les ont condamnez à la mort. En ce Royaume on les a condamnez au feu pour cela l'heresie n'a point cessé, mais s'est multipliee de plus en plus, en fin ils se sont fais si fors & puissans qu'ils ont bien osé leuer les armes contre nostre Roy, se ranger en batailles contre luy, se saisir des villes capituler, avec luy s'allians & confederans aux Princes de leur religion qui leur fournissent d'argent & de gens à leur necessité, tellement qu'il a fallu faire de necessité vertu & qu'il valloit mieux ne les irriter par supplices à prendre les armes que par apres estre cōtraint d'autoriser par Edits de Pacification vne heresie cōdam-



nee par les Cōciles de l'Eglise. Que si pour faire cesser l'heresie on se fust mis à reformer les abbus des Ecclesiastiques, faire resider les Pasteurs sur leurs troupeaux, les faire prescher, empescher la pluralité ou pluystost venalité des benefices, faire distribuer aux pauvres les biens de l'Eglise que les Prelats prennent seuls à leur vsage, c'eust esté vn chemin plus court. Mais que lon ne doit iamais esperer que l'heresie cesse tant que lon souffrira ces abbus regner en l'Eglise. Que d'y aller par armes c'est hazarder la vie de la noblesse pour maintenir les beneficiers en leur aises, & les faire paisiblement iouyr du reuenu dont ils abusent au grand scandale de tous, & que sil est dit qu'il faut qu'il y ait des heresies à fin que ceux qui sont esprouuez soient manifestez, c'est

temps perdu que de s'y acharner par supplices, qu'il y faut venir par moyens plus doux & gracieux, espargnât le sâg de nostre prochain: & que si au iour de sainct Berthelemy on eust tué generally tous ceux qui n'estoient Catholiques tât de gens ne se fussent conuertis cōme il y en a eu depuis, & ceux qui sont demeurez obstinez en leur erreur sont plustost dignes de pitié & de commiseration que de chastiment. Qu'il nous faut prier Dieu qui seul preside à noz actions qui est seul medecin des ames de les rappeler à son troupeau, les reduire au bō chemin dōt ils se sont desuoyez, qu'il faut suiure le conseil de ce Iuif qui dit que si ceste doctrine estoit de Dieu elle deuoit demeurer si elle n'estoit de Dieu elle prendroit fin d'elle mesme ainsi que nous auons

Actuum.

veu

vēu les heresies des Arriens Macedoniens, Nestoriens & autres estre disparues avec le temps. Ce sont les raisons qui meuent aucuns à ne condamner les heretiques de peine de mort, disans qu'il y a remede par tout fors à la mort, & que nostre Seigneur a dit qu'il faut laisser croistre l'iuroye ou zizanie avec le bon grain iusqu'à ce que vienne le tēps Matth. 13. de la moisson. Sur quoy on allegue infinies authoritez tant de l'escriture sainte que des peres de l'Eglise qui semblent fauoriser ceste opinion. Mesmes quand nostre Seigneur dit, si tō frere t'a offensé fais luy remonstrence à part, fil ne te veut ouyr dis-le à l'Eglise, fil n'en veut croire l'Eglise qu'il te soit cōme ethnique & publicain, il ne dict pas que lō le face mourir mais que lon le fuye. Saint Paul dict fuyez ad Titū 5.

l'homme heretique apres que pour la premiere & secóde fois vous l'au rez repris de sa faute. Les maladies d'esprit se doiuent guerir par le glaiue spirituel & nó par le glaiue corporel. Mais puis que par les Edicts de pacification il a esté permis de viure en ceste religion, de s'y faire baptiser, que lon y a pris son instruction, que lon a presché ceste doctrine par autorité du Roy, comme pouuons nous aujourd'huy condamner ceux qui tiennent la religion que lon a preschee pour bonne par le temps de xxv. ans publiquement en assemblees licites par les Edicts du Roy? plusieurs de ceux qui tiennent ceste opinion sont nais depuis que ceste foy se presche sont baptisez en cet erreur n'ót iamais ouy parler de l'Eglise Catholique, sinon comme d'une Eglise



plaine d'abominations dont leurs ministres ne cessent de detracter en leurs presches, disans que c'est vn bourdeau spirituel que le Pape de Rome est le vray Anthechrist, & telles autres propositions, de pésar doncques maintenant les agouster à nostre religion dont on les a tant desgoustez iusques ici, il ny a apparence és choses douteuses, c'est bien le plus seur que d'embrasser l'opinion la plus douce. Les Iuifs encores qu'ils fussent le peuple esleu de Dieu, toutefois ils souffroient bien lib. 18. c. 2. des heresies parmy eux estás de quatre sectes, les Esseneens, Phariseans, Sadduceans, & des Philosophes Iudeans, comme tesmoigne Iosephe en ses antiquitez.

Mais ceux qui cōsiderent de plus prest de quelle consequence est de n'empescher le cours à l'heresie qui

infecte & corrompt vne infinité  
 d'ames, & qui considerét combien  
 par experiéce il est sorri de mal d'a-  
 uoir souffert & permis l'exercice  
 d'une religion reprouuee de l'Egli-  
 se, ne peuuent en leur conscience  
 condescendre en l'opinion qui de  
 prime face semble plus plausible,  
 comme estant plus douce & ten-  
 dant à misericorde: mais en effect  
 trop plus cruelle & dāgereuse n'e-  
 stant rien si precieux que l'ame de  
 nostre prochain, pour laquelle ra-  
 cheter nostre Seigneur a tant faict,  
 que de ny espargner son propre  
 sang. Et pour respondre particulie-  
 ment aux obiections cy dessus fai-  
 tes en premier lieu à ce que lon ne  
 tient vne heresie pour crime, ie di-  
 ray ce que dict Papinian ce grand  
 Iuriscōsulte auquel l'Emp. Antonin  
 enioignit de soustenir au Senat que

le parricide qu'il auoit fait estoit iustement fait, il dit qu'il estoit aussi inciuil d'excuser le parricide comme de le commettre, pour laquelle responce l'Empereur le feist mourir ainsi que tesmoigne Spartianus.

Aussi diray-ie que ce n'est point moindre heresie de dire qu'un heretique n'est point criminel que tenir sa religion erronee, & affin que ie satisfasse à ce qui a esté dict qu'un homme qui peche par ignorance est excusable, i'ameneray ce qui est dit de la faute de nostre premier pere Adam qui fut deceu & trompé par le serpent. Si donc il fut circonueni pensant que le serpent luy dist la verité, & qu'en mangeât du fruit de vie il auroit la cognoissance du bien & du mal, qu'est-ce sinon l'ignorance qui le feist pecher? Car il ne commist point sa faute qu'apres



qu'il eut gousté de ce fruit. Si d'óc  
il a failly par ignorance, & qu'il en  
ait esté chastié, il ne s'ensuit pas que  
l'ignorance ne soit compatible a-  
uec le crime. Platon tient que tous  
les pechez que nous commettons  
c'est par ignorance, car à la verité  
si nous sçauions certainement que  
c'est nostre perte & ruine de pe-  
cher aucun de nous n'offenceroit à  
son esciët. Personue ne fait vne fau-  
te que pour apparence de quelque  
bien qui se presente à ses yeux. Mais  
pouuons nous dire en saine con-  
science, que l'Heretique faille par  
ignorance quand il soustient ob-  
stinémēt des propositions qui sont  
condamnees par l'Eglise? Il sçait ou  
doit sçauoir que l'Eglise seule peut  
interpreter le sens de l'Euangile  
quād il est douteux & obscur. Pour  
ce que Dieu a promis qu'il assistera

son Eglise de la presence du saint  
 Esprit, & que la terre occist, mais  
 l'esprit viuifie, tellemēt que de prē-  
 dre les choses au pied de la lettre  
 on peut faire fraude à la loy, quand <sup>lib. contr. d</sup>  
 en retenant les paroles de la loy on <sup>de legibus.</sup>  
 corrompt le sens de la loy ainsi que  
 dict le Iurifconsulte. Or ne peut on  
 nier qu'au texte de l'Euangile il ny  
 ait des choses obscures & ambiguës  
 qui meritent l'interpretation des  
 Docteurs. Que si les escritures e-  
 stoiēt si claires & intelligibles que  
 elles se peussent entendre d'elles  
 mesmes, il ne seroit besoing des es-  
 crits de tāt de Theologiens, ny mes-  
 mes des escrits de Luther, Caluin,  
 Beze, & autres de leur secte qui ont  
 tant composé de liures sur l'inter-  
 pretation de l'escriture sainte, &  
 ne seroient les heretiques mesmes  
 en si grande cōtrouerse les vns cō-

tre les autres comme ils sont. Ie dis donc que ce n'est pas ignorāce pure que de se separer de l'Eglise vniuerselle ou Catholique, & vouloir se forger vne opinion cerebrine se distraire de l'Eglise que noz peres ayeux, bisayeux & ancestres ont tenu depuis la fondation de l'Euangile, pour tracer vn chemin nouveau non iamais ouuert par cy deuant. Et que c'est vne ignorance affectee & inexcusable: car si toute ignorance est sans peché la consequence en seroit merueilleusemēt dangereuse. Nous lisons que Dieu se courrouça merueilleusemēt contre ceux du peuple d'Israël qui forgerent vn veau d'or & l'adorerent encores qu'ils le feissent par ignorance pensant que fust vn Dieu. Mais telle ignorance ne se pouuoit soustenir d'autāt qu'ils auoient re-

ceui

ceu loy par laquelle l'idolatrie leur  
 estoit defendue. Ce n'est donc pre-  
 texte suffisant pour pecher que l'i-  
 gnorance del'heretique. Car si vn  
 heretique est excusable pource que  
 il pense bien faire, aussi est vn idola-  
 stre qui croit pluralité de dieux.  
 & si pour croire vne chose faulce  
 ce n'est faire contre sa conscience  
 l'idolatre ne fait contre sa consciē-  
 ce adorāt vne idole puis qu'il croit  
 que c'est son Dieu. Car en ce qu'il  
 croit mal il peche aussi, l'heretique  
 en ce qu'il croit ce qu'il ne doit pas  
 croire il peche. L'heresie & l'idola-  
 trie sont peché en ce que l'une &  
 l'autre croient ce qu'elles ne doiuent  
 croire. Or nous lisons comme Dieu  
 a puni grieuement les idolatres en-  
 tre les enfans d'Israël qui auoient  
 receu le commandement de Dieu  
 de n'adorer les idoles. Car ayans fait



xod 32.

vn veau d'or. Moyse dit aux autres que chacun de vous tue son frere, son amy & son prochain, ce qu'ils feirent, & furent tuez vingt-trois mille hommes. Lors Moyse leur dit vous. auez aujourd'huy consacré voz mains au Seigneur chacun de vous en s<sup>on</sup> frere & en son fils pour auoir la benediction de Dieu.

Voila cōme Dieu chastie les ignorans qui croyoient que le veau d'or fust leur dieu, eux qui auoiēt receu le commandemēt d'adorer vn seul Dieu. Ainsi pouuons nous dire de la pretenduë ignorance des heretiques, lesquels ont le commandement de Dieu d'obeyr à l'Eglise, & ny obeissent point. Et pour respoñdre à ce qui est dit, que les Iuifs ne mettoient point à mort les payens mescredoyans & idolatres, à là verité on ne leur en vouloit pas tāt qu'on

faisoit aux Iuifs idolatres. Pour-ce  
 que les payens pechoient d'une pu-  
 re ignorace, mais les Iuifs pechoiēt  
 contre la loy à eux donnée. Toutes  
 fois de peur que les Iuifs ne fussent  
 seduitz par les payens, Dieu leur  
 defend expressement de frequen-  
 ter avec les payés sur peine de pu-  
 nition leur disant. Gardez vous de  
 faire amitié avec eux, qui soit vo- Exod. 34.  
 stre ruyne: mais abatez leurs autels  
 & brisez leurs statues, bruslez leurs  
 boscs ne faites aucune alliance  
 par mariage avec eux, de peur que  
 leurs filles ne seduissent voz éfants, &  
 repetāt ce precepte au deuterono- Cap. 7.  
 me, il commande expressement de  
 les mettre tous à mort, de rompre  
 leurs idoles, de ne cōtracter maria-  
 ge avec eux, de peur qu'ils ne fus-  
 sent attiréz à idolatrer. Et puis il dit  
 ne pensez pas que ie vous aye don- Cap. 9.

Cap. 13.

né la victoire sur eux & que vous les ayez mis à mort pour vostre iustice, non c'est leur iniquité qui en à esté cause. Il dit en apres, si quelqu'un de voz freres & amis les plus chers vous veulét tirer à l'idolatrie vous disant, allons nous en seruir les dieux estranges, incontinent vous les passerez par le tranchât de l'espée, & les exterminerez iusques aux bestes brutes, affin que l'ire de Dieu s'apaise sur vous, & ait misericorde de vous. Aussi Iosué entreprist la guerre contre ceux de Ruben & autres, quand ils entendirent qu'ils s'estoient laissé transporter à l'idolatrie. L'histoire du liure des Roys de Iudée nous apprend, combien Dieu c'est courroucé, quand les Roys ont esté idolatres, ou les ont fauorisé & souffert, au contraire, comme il à benit & re-



commandé ceux qui ont d'estruit  
 les autels des dieux estranges. Mais  
 on me dira que la difference est  
 bien grande, entre vn idolatre &  
 vn heretique, & que partant ils  
 ne sont à punir d'une mesme pu-  
 nition. Toutesfois S. Paul, parlant  
 de l'heretique, l'appelle faux pro-  
 phete, & nostre Seigneur l'appelle  
 loup vestu de la peau de brebis, ie  
 diray bien au contraire, que le pa-  
 yen idolatre semble estre plus ex-  
 cusable en son erreur que l'hereti-  
 que, d'autât que le payen n'a receu  
 la loy de Dieu comme à fait l'here-  
 tique, qui à renoncé sa foy & est a-  
 postat. Souuent l'escriture sainte  
 se plaint de ceux qui ont delaiissé  
 Dieu, & dit qu'il vaudroit mieux au  
 pecheur qu'il n'eust iamais eu la co-  
 gnoissance de la foy, qu'apres l'a-  
 uoir eu qu'ils fussent decheus. Ain-

si ie dis que celuy qui à esté baptisé en l'Eglise Catholique, y à appris sa croyance, & y a esté nourry peche griefuemēt fil s'en depart pour fuiure vne opinion nouuelle. Mais quel crime n'est compris en l'heresie? quand on adultere le sens de l'Euāgile, & que au lieu que nostre Seigneur à dit. Voicy mon corps qui est liuré pour vous, on dit que ce n'en est que l'efficace, que la representation que l'image, que le simbole & telles autres resueries? Est-ce pas commettre larcin que des sept sacremens que nous auons en retrancher les cinq, & ne laisser que deux? est-ce pas defrober l'honneur au corps de nostre Seigneur, que de luy denier l'adoratiō, est ce pas crime defaux que de bailler autre interpretation que le sens de l'Euangile? ce que ie dis, ie le dis aux

Catholiques qui cōsentēt avec moy  
 que l'heretique dont ie parle sent  
 mal de la foy, car ie perdrois tēps  
 de le dire aux heretiques qui me  
 nierōt mes maximes qui sōt les ma  
 ximes des Catholiques, pour ce ie  
 proteste parler à ceux de nostre re-  
 ligion nō aux autres. Est-ce pas blas-  
 pheme de tenir les propositiōs des  
 heretiques? & toutesfois il est com-  
 mandé au leuitique de lapider le  
 blasphemateur autāt en est il de ce-  
 lui quiva aux oracles des faux dieux  
 Dathan, Choré & Abiron, furent <sup>C.20.24.</sup>  
 engloutis de la terre, pour auoir fait  
 vn scisme entre les Iuifs. Iosias est <sup>Regum 13.</sup>  
 recommandé de ce qu'il feit occire  
 les faux Prophetes sur leur autel  
 mesmes, comme aussi Mathatias <sup>Mach. 2.</sup>  
 qui tua celuy qui vouloit sacrifier  
 Helie, feit mourir les prophetes de  
 Baal, & toutesfois ceux la pésoient

bien faire. Mais qui considerera  
 pourquoy l'on puny les crimes, a-  
 prendra de Platon que les meschās  
 sont punis non pour amender le  
 mal qu'ils ont fait, car il ne peut  
 plus estre amandé, mais pour deter-  
 rer ceux qui verront ce chastiment  
 d'en faire le semblable: Seneque dit  
 que la loy punit pour trois effects,  
 l'vn affin que celuy qui est chastié  
 s'en amende, Le secōd affin que les  
 autres y prennent exemple. Le tiers  
 affin que par la mort du criminel,  
 les autres viuent en plus grāde seu-  
 reté. Ce troisieme point est, l'occa-  
 sion pour laquelle l'heretique est  
 puny d'autāt que l'heresie est com-  
 me vn chancre. Ainsi que dit Sainct  
 Paul, qui gaigne peu à peu & infe-  
 cte les autres membres. S. Hieros-  
 me compare l'heretique à vne fen-  
 tinelle de fer, laquelle si on n'e-  
 steint

de legib.

lib. I. de  
Clemētia.



steint de bonne heure ; embrasé  
 toute vne maison, ainsi qu'Arrius  
 qui infecta toute la Grece. C'est  
 comme vne peste, qui par sa con-  
 tagion corrompt & par son alei-  
 né gaste les personnes saines. Il  
 est escrit au Leuitique, que l'hom-<sup>Cap. 15.</sup>  
 me lepreux deuoit estre separé des  
 autres, de peur qu'il ne leur bailla  
 sa maladie. Si cela à lieu en la le-  
 pre corporelle à plus forte raison  
 en celle del'esprit. Nous voyons  
 par experience combien d'ames  
 ont esté perduë en ce Royaulme,  
 depuis que par l'Edict de pacifica-  
 tion, l'heresie à esté preschée libre-  
 ment & publiquement qui est vn  
 dommage infini & irreparable.  
 Et si nous auons si peu l'honneur  
 de Dieu en recommandation, &  
 le salut de nostre prochain, & que

E

nous voulions dire avec l'Empe-  
reur Tibere que Dieu aura du  
soing de se venger, sans que nous  
nous en deuions empescher, au  
moins si nous sommes bons poli-  
tiques, voyons de combié la Ma-  
jesté du Roy à souffert de diminu-  
tion. Car de l'heresie on est venu  
à la rébellion, apres qu'ils se sont  
veu fors, & en grand nombre, ils  
se sont mis aux armes, ont surpris  
les villes du Roy qu'ils tiennent  
éncores, & depuis vingt-cinq ans  
ont osé se presenter en bataille,  
rangée contre le Roy par cinq ou  
six fois, ont fait descendre les Rei-  
stres en ce Royaume, & les An-  
glois au haure de grace. Quand  
doncques il n'iroit que de la Ma-  
jesté humaine, chacun voit com-  
me l'heresie subuertist l'estat d'un

Royaulme. Voila ce que l'on à  
gagné à les souffrir, voila les fruit  
de leur temps, saint Euangile au  
parauant qu'ils fussent nais, on ne  
sçauoit que c'estoit de rebellion,  
le Roy commandoit absolument  
par tout son Royaume, Sa Maje-  
sté estoit recogneuë de tous en ge-  
neral, mais ils ont les premiers v-  
surpé pour eux, & à leur aduantage  
vne sentéce de l'escriture sainte, q̃  
il vaut mieux obeir à Dieu qu'aux  
hommes. C'est à dire, qu'au Roy  
& à ses magistrats, & de fait on en  
voit les effects, ils sont par trop  
cognus. Je crains bien que cepend-  
ant que nous punissons griefue-  
ment le crime de leze Majesté hu-  
maine, & ne faisons cōte de cha-  
stier le crime de leze Majesté di-  
uine, que pour cela Dieu ne nous

vueille oublier, puis que no<sup>9</sup> l'oublions. Nous qui sommes Catholiques, reconnoissons le Pape de Rome, vicaire de Dieu, toutesfois nous permettons que l'on escriue contre les censures du Pape. Nous recognoissons que l'Eglise peut determiner des differens de la religion : Toutesfois nous ne voulons receuoir le Concile de trente, auquel noz Euesques & Prelats & noz Ambassadeurs ont assisté, & souffrons que l'on escriue contre le Concile, pour quelque particulier interest.

Cha. 17.

Il est escrit au Deuteronomie que si quelqu'un ne veut obeïr au prestre de la loy qui ministre pour lors il soit iugé à mort, afin que les autres y prennent exemple. Je demeureray bié d'accord avec ceux



qui tiennēt l'autre parti qu'il faut  
 vſer de tous les remedes qu'il ſera  
 poſſible pour conuertir l'hereti-  
 que, auant que de le condamner.  
 Ainſi qu'il eſt dict au Leuitique,  
 du lepreux qui auant que d'eſtre  
 ſeparé des autres eſtoit diligem-  
 ment viſité, & penſé par pluſieurs  
 fois. Mais ſil demeure obſtiné il  
 vaut trop mieux que peu de gens  
 ſouffrent que tout le reſte ſoit in-  
 ſecté. Si quelqu'un eſt gaſté d'une  
 cangrene ou feu de ſainct Anthoi-  
 ne, encores que perſonne ne haïſ-  
 ſe ſa chair ainſi que dit l'Euangile  
 toutefois il fait couper le mem-  
 bre qui eſt infecté de peur que pis  
 ne luy aduienne & qu'il perde le  
 reſte du corps. Noſtre ſeigneur dit  
 ſi ton œil te ſcandalize arrache le  
 & le iette, car il vaut mieux entrer

au ciel n'ayant qu'un œil, qu'en  
 ayant deux yeux descendre aux  
 enfers. Le corps de l'Eglise est com-  
 posé de nous tous comme ses mē-  
 bres, l'excommunication est le  
 glaive qui separe les enfans de per-  
 dition d'avec les autres. Tant de  
 fois l'Euangile nous commande  
 fuir l'heretique cōme aussi la loy  
 de Moysse commandoit aux Iuifs  
 fuir les idolatres, tous deux à vne  
 mesme fin de peur d'estre seduits  
 de leur religion. Mais l'excommu-  
 nication n'est pas pour estre vai-  
 ne, c'est qu'il ne faut pas que l'hō-  
 me excommunié soit admis en la  
 congregation des autres, person-  
 ne ne le doit frequenter & moins  
 encores l'heretique, l'aleine du-  
 quel est venimeuse & contagieu-  
 se. Je confesse bien aussi que lon

deurroit reformer les mœurs des Ecclesiastiques qui sont par trop deprauez, que les Prelats deussent resider & faire leur deuoir, lesquels sont cause en partie des heresies qui regnent pource qu'ils sont cōme le pasteur mercenaire qui n'a soing de ses oüailles, il voit le loup venir il s'enfuit & les laisse à l'abandon. Lon sçait notoiremēt qu'il y a en ce Royaume mille & mille villages abandonnez de leurs curez, qui toutefois en prennent le reuenu & les pauvres gens ne reçoient aucun admonnestemēt de leur salut: ils n'ont ny prestre ny ministre pour baptiser leurs enfans ny pour les absouldre à la mort qui est vn peché enorme tāt aux Curez qu'aux Euesques qui sont pasteurs pour se repaistre nō Epist. 48.

pour repaistre leur troupeau.

Sainct Augustin est d'auis qu'il faut contraindre l'heretique: car combien qu'au commencement il ne gouste pas le fruit de nostre religion, à la longue le goust luy en vient. Le petit enfant au commencement est contraint à l'estude, mais avec le temps l'estude luy plaist, & quand il y a fait du fruit on ne l'en peult retirer. La plus part des heretiques ne sont bien informez de nostre religion faute d'estre instruis par leurs pasteurs qui ne font leur deuoir. Toutefois si noz Pasteurs dorment pendant que les loups sont entrez au parc de l'Eglise pour deuorer les brebis, nous ne laisserôs à crier apres les loups: puis que noz chiës sont muets, & ferons comme les oyes

du



du Capitoile qui par leur cri esueillerent les soldats qui estoient en garde, nous apporterons chacun vn seau d'eauë pour esteindre le feu qui est allumé : qui pourra mieux si le face. Ce pendant nous louërons Dieu de ce qu'il a inspire nostre Roy à reuoquer ces pernietieux Edicts de Pacification, par lesquels Dieu estoit blasphemé & les ames damnees d'une infinité de personnes. Aussi Dieu voulant monstrier que ceste reuocation d'Edicts luy estoit agreable, a tesmoigné par la victoire miraculeuse qu'il a donné à nostre Roy, que quand on a voulu conseruer la majesté diuine, il a en recompense cōserué celle de nostre Prince. Or est l'Edict faict par lequel il est enioint aux heretiques de vui-

der ce Royaume, se contentant nostre Roy d'une punition fort douce & humaine pource qu'il ne confisque leurs biens, mais souffre qu'ils soient vendus & que le prix leur en soit baillé. C'est la loy Porcia qui fut à Rome, qui permettoit à ceux qui estoient criminels de s'en aller en exil pour euer la peine de mort. Mais le mal est que les heretiques qui n'ont de coustume d'obeir ny à Dieu ny à son Eglise ne veulent obeyr au Roy, & se trouuent encores quelques uns es pais de l'obeyssance du Roy, ie dis de son obeyssance, car ie ne mets en compte la Rochelle, Montauban & les villes qu'ils occupent, que ie n'estime estre de l'obeissance du Roy. Or est-il escheu que quelques uns se-

flans trouuez en ceste ville & mis  
 és mains de la iustice , apres auoir  
 esté admonestez de leur salut par  
 des docteurs en Theologie, & que  
 ils sont demeurez obstinez , ius-  
 ques à dire qu'ils aimeroiēt mieux  
 estre bruslez vifs que d'aller à la  
 Messe. Sur quoy les iuges incer-  
 tains ne trouuans l'Edict du Roy  
 auoir la partie que les Latins ap-  
 pellent Sancti , c'est à dire que là  
 où on n'obeit point à la loy on  
 encourt telle ou telle peine, que il  
 n'est porté par l'Edict que celuy  
 qui contreuiendra au comman-  
 dement du Roy soit puni de cer-  
 taine punition, pour l'incertitude  
 où ils se sont trouuez, ont pense e-  
 stre le plus seur d'auoir recours au  
 conseil du Prince qui a fait la loy,  
 & auquel seul en appartient l'in-

terpretation, ſçauoir ſi les Ediçts  
 de Pacification eſtans reuozquez  
 on doit vſer de la meſme punitiõ  
 que lon vſoit auant l'Ediçt de Pa-  
 cification qui eſtoit de peine de  
 mort: ſuiuât les arreſts de la Cour  
 de Parlement: mais encores eu eſ-  
 gard à la douceur de l'Ediçt du  
 Roy, & qu'obeiſſant à iceluy ils  
 ont peu ſe racheter de la mort en  
 vuidans ce Royaume, ce qu'ils ont  
 negligé, d'abondant ſi du temps  
 de noz peres les heretiques eſtoiët  
 punis de mort pour l'heresie ſeu-  
 lemēt, puis que outre l'heresie ils  
 ont adiouſté la rebellion enuers  
 leur Prince, ont eſmeu des trou-  
 bles & ſeditions en ce Royaume,  
 ont ouuert le chemin aux Rei-  
 ſtres ennemis de noſtre patrie. Il  
 ſemble que les heretiques de main-



tenant soyent beaucoup plus punissables qu'ils n'estoiét deuât les troubles suscitez en ce Royaume.

Saint Augustin voulât prouuer qu'il faut contraindre les heretiques, <sup>c. scismatici-  
ci 2.3. q. 6.</sup> respond aux scismatiques qui demâdent qui est ce qui à esté contraint & forcé de Dieu à croire en luy? Voila S. Paul qui fust premierement contraint, & puis il annonça l'Euangile, il fust premierement frapé, puis consolé. Pourquoi donc l'Eglise ne contraindra elle ceux qui sont perdus pour reuenir, si les enfans perdus ont contraint les autres pour les perdre? & amene vne autorité <sup>Luc. 14.</sup> de l'Euágile fort à propos. Quand celuy qui auoit fait vn banquet, veit que ceux qui estoiét semons ny venoient point, il comman-

da que l'on allast par les places, & que ceux que l'on trouuerroit, l'on les contraignist d'entrer. Ce n'est point d'aujourd'huy que les heretiques nous remonstrent qu'ils ne faut contraindre personne à la foy. S. Augustin se plaint escriuāt contre Petilianus. Vous dites que l'on ne doit estre contraint à la foy, mais le peché se punit par seuerité, qui est plustost vne misericorde. Ezechiel se pleignant des pasteurs negligens dit. Vous n'avez point rappellé ceux qui erroient, recherché ceux qui estoient perdus : c'est pourquoy on leur demandera compte des ames que il auront laissé perir. Et quand le bras spirituel n'y peut rien, il faut inuoker le bras temporel, qui est institué pour venger non seule-

ad fidem

2 3. 9 5.

C. 34.

ment l'iniure d'un particulier,  
mais celle qui est fait à Dieu.

Quelqu'un de ce temps à fait un  
traicté expres pour prouuer qu'il  
ne faut punir l'heretique & ame-  
ne vne autorité de S. Martin qui  
fust de ceste opinion, ainsi que  
tesmoigne Sulpitius, mais il n'a-  
iouste pas qu'un Ange s'apparut  
à luy, qui luy feit cognoistre qu'il  
se estoit abusé, ainsi que dit Sulpi-  
tius. Or c'est vne proposition  
fort heretique, de dire que quand  
on pense bien faire on est excusa-  
ble à cause que l'on ne sçait si ce  
quel'on fait est bien ou mal fait,  
pource que si ainsi estoit, il ne se-  
roit point besoin de croire & a-  
uoir la foy pour estre sauué, No-  
stre Seigneur dit. Qui croit ne se-  
ra point iugé, mais celuy qui ne

Ioannis. 3.

croit point est desia iugé , qui  
 croit à la vie eternelle qui est in-  
 credule, ne verra point la vie mais  
 l'ire de Dieu tombera sur luy. Le  
 Psal. 78. Psalmiste dit, Seigneur respandez  
 vostre ire sur les payens qui ne  
 vous cognoissent point, & sur les  
 Royaulmes ou vostre nom n'est  
 point inuoqué. Ce seroit doncq'  
 vne maxime plustost d'un Athée,  
 que d'un Chrestien , de dire qu'il  
 ne fust point necessaire de croire  
 pource que sans la foy il est im-  
 possible de plaire à Dieu, ainsi que  
 tesmoigne saint Paul.

Heb. 11.

La foy donc est necessaire', &  
 puis qu'elle est necessaire on peut  
 contraindre l'heretique, à quitter  
 son incredulité.

Mais on voit par experience, quel  
 fruct nous auons receu de l'Edit  
 du



du Roy , quand il à reuoqué les  
 Edictz de Pacification , d'aaultant  
 qu'une infinité de personnes, sont  
 reuenus à l'Eglise, abiurans l'here-  
 sie, dont parauant ils auoient fait  
 profession, il ne faut pas donc les  
 laisser en l'erreur ou ils sont , d'au-  
 tant que ce seroit les dāner, pour-<sup>Ioann. 15.</sup>  
 ce que nostre Seigneur à dit , tou-  
 te branche d'arbre qui ne portera  
 point de fruiēt sera couppé & iet-  
 tées au feu, dōques si nous auōs la  
 charité fraternelle, il ne le faut lais-  
 ser en l'erreur : mais par menaces  
 de peines & supplices, les rapeller  
 à leur deuoir. Les Empereurs Ro-  
 mains aucuns ont esté plus doux,  
 les autres plus seueres , mais prin-  
 cipalement contre ceux qui dog-  
 matisoient , comme l'Empereur  
 Valentinian, qui les condāne à la

*L. quicun-  
que C. de  
hereticis.*

mort. Aussi il condamne comme  
criminels de leze Majesté, ceux  
qui sous pretexte de religion font  
des troubles. Les Empereurs Ar-  
cadius & Honorius banissent des  
villes les heretiques, & au cas qu'il  
se trouuent par dessus leur bannis-  
sement és villes, ils confisquent  
leurs biens & les condamnent à  
la mort. Or ces Empereurs là ne  
cognoissoient pas encores la ma-  
lice des heretiques comme depuis  
nous l'auons cogneuë & experi-  
mentee de nostre temps, que s'ils  
eussent sceu combien l'heretique  
couue de maux, & combien il de-  
vient audacieux quand il se voit  
fort & puissant : les Empereurs  
n'eussent esté si doux contre eux.  
Depuis on s'est aigry plus fort  
contre les heretiques, car du tēps

*l. 4. C. de  
fide cath.  
l. ennomia  
næ de his  
qui super  
rel in C.  
Theod.*

du Concile de Constance, l'Empereur feist brusler Iean Hus, & wiclef heretiques condamnez par le Concile de nostre temps, on les à fait mourir, mesmes les Caluinistes feirent brusler à Geneue; vn nommé Seruet, & pour prouuer qu'il estoit iustement cõdamné. Iean Calvin en fait vn traité, par lequel il monstre qu'il est licite de punir par Iustice les heretiques. Qui voudra veoir ceste question, lise ce qu'en à escrit Lucifer Episcopus, Calaritanus qui estoit du temps de l'Empereur Cõstantius, qui en à doctement parlé. Alfonso De castre Espagnol, en à fait vn volume fort lóg & prolix. Aussi ont esté punis par mort plusieurs Anabaptiste en Allemagne par les Lutheriens. Il re-

ste à respondre à ce qui à esté proposé, que si l'on fait mourir l'heretique & qu'il meure constamment, plusieurs se rengeront des leurs, pėsans qu'ils meurent martyrs, comme il est aduenü par cy deuant. Mais i'estime que leur malice est ja tant cogneüe & experimentée que peu de gens ne les voudront ensuyure, pource qu'ils sont bien differens des bons martyrs de la primitiue Eglise, que l'on conduisoit au supplice, comme brebis innocentes, là où ceux cy sont chargez de rebellions de crime de leze Majesté, de mille & mille cruautez, les ayans veus en armées, en batailles & assaux de villes, avec autre maintien que n'estoient les anciens martyrs.

Mais on me dira si le Roy fait



mourir les heretiques, en vengeance de ce, eux ils feront mourir les Catholiques qui n'en peuuent mais: comme quand on executa par iustice se predicant Marlorat à Roüen, comme par droit de reprehensible les huguenots de Orleans feirent pendre & estrangler feu Monsieur Sapin Conseiller de la Cour. Or i'estime qu'il ne leur faille faire tant d'honneur que les apparier à nostre Roy, & cōbien qu'ils soient assez discoles & mauuais, toutefois ils ne sont si enragez que de vouloir vser de telle reuence, & que nostre cause est tant pleine de iustice que Dieu la fauorisera si nous faisons autant pour nostre religion que nous voulōs faire pour l'estat de ce Royaume, & que

pour vn inconuenient il ne faut  
laisser à faire iustice des meschans  
faisant autant pour l'honneur de  
Dieu que pour nostre interest  
particulier. Tant y a que ceux qui  
ont receu de Dieu le glauiue pour  
faire iustice ne doiuent laisser le  
blaspheme impuni, & vëger leur  
iniure sans aussi venger l'iniure  
faite à Dieu.

F I N.



